

不至溢度過節矣故曰魄以鈐魂不得淫奢魂魄互制水火均平一陽動而進火退水不失之於太寒一陰靜而進水退火不失之太暑故曰不寒不暑進退合時水盛而不過於寒火盛而不過於熱冲炁爲和永無薄蝕掩冒之災于是日光月精兩相交併至于庚方之上金精吐光一陽受符而金丹大藥產矣故曰各得其和俱吐證符證驗也符者符合也正應上文契字之義

此章言制鍊魂魄調和水火顛倒逆用之竅妙乃是金丹臨爐作用當與上篇第十一第十五兩章參看

### 三家相見章第二十八

道藏輯要

參同契  
闡幽

書  
虛集二

丹砂木精得金乃併金水合處木火爲侶四者混沌列爲龍虎龍陽數奇虎陰數偶肝青爲父肺白爲母離赤爲女腎黑爲子子五行始脾黃爲祖三物一家都歸戊己子五行始一句世本誤在脾黃爲祖之下

今校古  
本正之

此章言身心意三家歸一而成丹也人爲天地之心故能鼎立三才參天兩地當生身受炁之初元始祖炁先入中宮囟囟圖圖混然太極所謂天地之心也因地一聲以後太極從此分胎上立天關內藏乾性下立地軸內藏坤命虛谷在天地之中內藏元神從一中而分造化遂定爲三才三才既定四象卽分蓋乾爲先天祖性破而成離轉作後天之心坤爲

先天元命實而成坎轉作後天之身至于先天之離又轉而成震火中有木魂寄于心之象先天之坎又轉而爲兌水中有金魄藏于身之象從一炁而分二體又從二體而分四象矣四象既立東南之木火同處陽方西北之水金並居陰位南方離火赤色有丹砂之象中藏眞汞卽是木精猶之北方坎水黑鉛中藏金精也人但知火中有木不識木中有金蓋木旺在卯金炁卽胎于卯陽魂必得陰魄其魂方有所歸金不離木也人但知水中有金不知金中有木蓋金旺在酉木炁卽胎于酉陰魄不得陽魂其魄將何所附木不離金也金木雖分爲兩弦魂魄實併爲一體故曰丹砂木精得金乃併

道藏輯要

參同契  
闡幽

畫

虛集二  
X 116

天一生水其象爲元武在人屬腎中精發竅于耳地四生金其象爲白虎在人屬肺中魄發竅于鼻精與魄同係乎身故曰金水合處地二生火其象爲朱雀在人屬心中神發竅于舌天三生木其象爲青龍在人屬肝中魂發竅於目魂與神同係乎心故曰木火爲侶凡人之身心自爲心身自爲身水火不交金木間隔所以去道曰遠學道之士若能于二六時中含眼光凝耳韻調鼻息緘舌氣四大不動使精神魂魄俱聚于中宮水火木金並交於黃道此四者混沌之象也就此混沌之中能使四象合而爲一體又能使一體分爲四象原是木火爲侶離中生出木液是爲龍從火裏出原是金水

合處坎中產出金精是爲虎向水中生故有列爲龍虎之象  
張平叔所謂四象不離二體也龍生於天三之木其數非奇  
乎奇者爲陽故稱陽龍虎生于地四之金其數非偶乎偶者  
屬陰故稱陰虎此言龍虎之本體也若五行顛倒則龍轉作  
陰虎轉作陽矣丹道之五行原不係於五臟魏公恐泄天機  
秘母言子姑借身中五臟分配五行常道之五行木能生火  
金能生水能生者爲父母故有肝青爲父肺白爲母之象木  
三金四一陰一陽也所生者爲子女故有離赤爲女腎黑爲  
子之象水一火二亦一陰一陽也其曰子五行始者何蓋天  
一生水得之最先天開于子所以居北方正子之位實爲五

道藏輯要

參同契  
關幽

美  
虛集二

行之源然後木火土金次第而生故曰子五行始坤土中藏  
祖炁爲金木水火之所自出故有脾黃爲祖之象蓋水爲五  
行之源故取始義卽吾身祖竅之一也土爲五行之母故取  
祖象卽吾身祖竅之中也萬化歸一一又歸之於中于此可  
悟歸根復命之功矣肝木之魂心火之神兩者同出離中之  
心爲本來妙有中之真空是一物也所謂東三南二同成五  
也肺金之魄腎水之精兩者同出坎中之身爲本來真空中  
之妙有是一物也所謂北一西方四共之也坎中有戊離中  
有巳合爲中土獨而無偶是爲真意真意爲本來乾元祖炁  
是又一物也所謂戊巳還從生數五也身心兩家本自難合

幸得真意勾引遂混南北併東西相會于中黃土釜結成一粒金丹所謂三家相見結嬰兒也蓋三物會歸爲一而一又歸之於中是謂歸根復命反本還原之道故總括之曰三物一家都歸戊己夫後天之身心卽先天之性命也兩儀之象也後天之身心意卽先天之元精元炁元神也三才之象也後天之眞土卽先天之浮黎祖土也太極之象也三物歸于一家卽太極函三爲一之象也體道至此信乎參天兩地渾然天地之心矣若能於百尺竿頭更進一步向未生身處徹證本來面目方知天地有壞這個不壞虛空有盡這個無盡噫其孰能知之哉

道藏輯要

參同契  
關幽

卷

虛集二  
X川X

此章作者已略露天機注者遂盡開生面讀者幸具隻眼慎莫入寶山而空回可也

刑德反復章第二十九

剛柔迭興更歷分部龍西虎東建緯卯酉刑德並會相見權喜刑至伏殺德至生起二月榆落魁臨于卯八月參生天罡據酉子南午北互爲綱紀一九之數終而復始含元虛危播精于子此章言龍虎兩弦刑德互用之奧也丹道以水火爲體金木爲用子午定南北之經卯酉運東西之緯參伍錯綜方應周天璇璣之度以造化之常道而言天道有一陰一陽地道有一柔一剛兩儀既立錯爲四象子水居北午火居南卯木居